



# Ақмешіт

16 наурыз  
сенбі

№22 (2032)

2024 жыл

## апталығы

Газет  
1994 жылдың 15 сәуірінен  
бастап шығады

• Қалалық қоғамдық-саяси әлеуметтік-  
ақпараттық тарихи-танымдық газет •  
E-mail: akmeshit.kz@mail.ru



# ҰЛТТЫҚ МӘСЕЛЕЛЕРДІ АРҚАУ ЕТКЕН ҚҰРЫЛТАЙ



Сурет Ақардағы үлестерді қауіпсіздікпен алатынды

Марғасқа Махамбет пен айбынды Исатайдың табаны тиген кастерлі топырақ, Ақжайықтың жағасын жайлаған қалың елдің ордасы – Атырауда Ұлттық құрылтай өтті. Биыл үшінші мәрте өтіп жатқан алқалы жиын алғашқы жылы ұлт ұясы – Ұлытауда өтсе, былтыр «Ер түріктің бесігі» атанған киелі Түркістан төрінде өткізілген еді. Мемлекет басшысы Қасым-Жомарт Кемелұлы Тоқаев

биылғы жиынның Атырауда өткізіліп жатқанының өз мәні бар екенін айтты.  
– Ұлы Жібек Жолының бойында тұрған қала бір кездері айрықша геостратегиялық рөл атқарған. Батыс пен Шығыстың экономикалық, саяси, мәдени қарым-қатынасына ерекше ықпал еткен. Атақты хандарымыз осы жерге ордасын тігіп, ел билеген.

Бірқатары Сарайшықта мәңгілік мекенін тапқан. Тарихшылардың пайымдауынша, Қазақ хандығын қуатты мемлекетке айналдырған Қасым хан осында жерленген. Бір сөзбен айтсақ, Сарайшық – төл шежіремізде айрықша орны бар киелі шаһар, – деді Қасым-Жомарт Тоқаев.

2-БЕТТЕ



### КӨКТЕН ЖАУҒАН КӨМЕК

Палестинадағы қақтығыс өршігелі сол аймақтағы халық ахуалы нашарлады. Азық-түлік дағдарысы аштықтың ұлғаюына әкеліп, тұрғындар от пен оқтын ортасында қалды. БҰҰ мен жекеге мемлекеттер гуманитарлық көмек аттандырамын инфрақұрылым нашарлығы әрі Израиль мен Мысыр билігінің қателігінен нәтиже шықпаған. Әсіресе азық-түлік, киім-кешек тиелген мыңдаған жүк көлігі Газа секторына кіре алмай, көрші елдің шекарасында кептелді. Осыдан-ақ құрлық жолын көмек болмасын сезген халықаралық ұйымдар Палестинаға көмектің балама тәсілін ұсынды. Ол – әуе жолы.



Қауіпсіз және жедел жететін әдісті қолдануды алпауыт елдер бастаған еді. Өткен айдан бері Ұлыбритания, Франция, Иордания, Мысыр секілді елдер әуе кемесін аттандырып, Газа жеріне гуманитарлық көмек тастаумен әлек. Әр сапарда құмырсқадай құжынаған халық таласа-тармаса жәшіктерді ашып, көмектерді ақтарысқанын әлеуметтік желіден көп көреміз. Осы орайда CNN арнасының тілшісі Ниам Кенеди арнайы бағдарлама әзірлеп, әуе жолы арқылы көрсетілген гуманитарлық көмекті талқылаған екен. Оған себеп – гуманитарлық көмек легіне АҚШ-тың қосылуы.

«3-наурыз күні америкалық үш C-130 ұшағы Газа секторының шекарасына ұшып өтті. БҰҰ дерегіне сәйкес, ұшақтар жерге парашют арқылы контейнерлер тастаған. Онда 38 мыңға жуық тамақ өнімі болыпты. Ұшақ өтетін жерді алдын ала хабарлау нәтижесінде тұрғындар азық-түлікті дер кезінде алды. Reuters мәліметінше, қақтығыс аймағында 576 мың адам аштыққа ұшыраған.

Бұған дейін АҚШ президенті Джо Байден 1 наурыз күні гуманитарлық көмек аттандыратынын мәлімдеген болатын. Ол бұл міндеттің АҚШ үшін маңызын айтып, майдан даласындағы халыққа көмек керекін жеткізген», – дейді автор.

Жалпы АҚШ-тың әуе жолы арқылы әскери көмек жіберуі бұрыннан бар практика еді. Мысалы, 2001 жылы әуе күштері Ауғанстан жеріне азық-түлік пен жадинамалар төккен болатын. Оған қоса 2014 жылы «Ислам мемлекеті» ұйымы (Қазақстанда тыйым салынған ұйым. - авт.) Иракта сойқан жасаған кезде де ауысуы мен азық таратқан АҚШ ұшақтары.

БҰҰ ұйымында да аталған тәжірибе бұрыннан бар. Алғаш 1973 жылдан бастап ұйым қақтығыс ошақтарына әуе арқылы гуманитарлық көмек беріп келеді.

Осы уақытқа дейін өзінің арнайы талап-тілегін бекітіп, қауіпсіздікке ереже бекітті. Мысалы, БҰҰ әуеден тастайтын азық-түлік пен дәрі-дәрмек салынған қорапты алты қабат қаптамамен орау шарт. Оған қоса қолдан тігілген қаптын да өзіндік стандарты мақұлданды. Тіпті жүк ішінде қандай зат барын білдіру үшін өзіндік түстер таңдалып, алынған болатын. Мысалы, ақ қап – астық, қызыл қап – дән, көк немесе жасыл арнайы азық-түлік. Міне, ұзақ жыл осы қағидалар сақталғандықтан қауырт кезеңде әуе жолы арқылы көмек беру кең тарайды. Мұндай әдісті Палестинаға жыл басында ғана қолдану өзге мәселенің қырын ашуға септеседі.

Мұның бәрін тәптіштеп тізбектеудің себебі бар. Өйткені Газа секторына әуе арқылы көмек беру кезінде бірнеше кедергі шықты. Олар – тұрғындар қауіпсіздігі мен қаржылық шығын.

Гуманитарлық көмек жеткізуге тиіс ұшақ жерден 300-5000 метр аралығында қашық ұшады. Тонналаған салмағы бар жүк құлдаған сайын салмақ қосатыны тағы бар. Газадағы гуманитарлық көмек алу ережесін сақтамаған аш халық жүк жерге түспей жүгіре жөнелді. Нәтижесінде аспаннан құлаған ауыр салмақты жүк астында қалып, жан тапсырғандар көбейген.

4-БЕТТЕ

## ҰЛТТЫҚ ДӘСТҮРЛІ ДӘРІПТЕГЕН МЕРЕКЕ



Көрісу күні мерекесі күн мен түннің тенеңген тұсында қыстың бейнеті мен қиындығынан аман-есен шығып, халықтың Наурыз мерекесі алдында мәре-сәре болатын керемет күн.

2-БЕТТЕ



## БАҚЫТҚА БӨЛЕНГЕН КҮН



Республика бойынша аймақтардың ішінде тұрғындарды жайлы баспанамен қамтуда Сыр өңірі көш бастап тұрғанын мақтанышпен айтуға болады. Халқының осы динамикасымен алдыңғы қатарда тұрған өңірде қоныс тойын тойлаушылар саны жылдан-жылға көбейіп келеді. Жайлы пәтерге қол жеткізгендер тізімінде көпбалалы отбасылар, мүмкіндігі шектеулі жандар, бірнеше жыл үй кезегінде тұрған жалғызбасты аналар бар. Ұлттың ұлықты Амал мерекесінде облыс тұрғындары баспана алып, ақжолтай қуанышқа бөленді.

2-БЕТТЕ

### ҚАРА ШАҢЫРАҚ

## ЕРТЕ ТҰРАТЫН АУЫЛ



Қадірлі оқырман! Биыл газетіміздің жарыққа шыққанына – 30 жыл. Осы уақыт ішінде бізбен бірге болып, халықтың көзі, құлағы һәм тілі ретінде ұлт ұстазы Ахмет Байтұрсынұлы айтқан үдеден шығуымызға атсалысып келесіздер. Біздің қаламыз арқау еткен

әрбір тақырып – халық. Сондықтан бұл жолы да жана жобамыз өздеріңізге арналып, «Қара шаңырақ» деп аталды. Осы жоба аясында Қызылорда қаласына қарасты ауылдардың тыныс-тіршілігін тақырып тіні етпейсіз. Ендеше, назарыңыз бізде болсын!

4-БЕТТЕ

## ЖЕТІГЕНДЕ ҚАСИЕТ БАР

Не сиқыры бар екен десеңші?! Көнеден жеткен жетігеннен төгілген әуеннің тыңдаушысын арбап, жансарайына бойлап, шаршаған жүйкені дамыл таптыратын бір күдіреті бар. Ендеше, көне аспапты кәсіби тұрғыда дамытып, халыққа оралтқан бір адам болса, онда ол – облыстық филармонияда «Қорқыт сазы» қобызшылар ансамблінің әртісі әрі «Қазанғап» атындағы Қызылорда музыкалық колледжінде мұғалім, халықаралық, республикалық конкурстардың лауреаты Гүлдана Берікқызы.

Біздің кейіпкеріміз Гүлданың осынау аспапқа қызыққаны сонша, сәбін жетіген тартып отырып, әлдилеп, бесігіне бөлеп, тербеткен. Көз алдыңызға елестетіп көріңізші, әдемі көрініс емес пе?.. Қазақтың нәзік аруы жетігенді үйреніп, осы кезде көрермен көзайымына айналып жүр.

Жетіген жайлы жұрт әлі толық біле бермейді. Бірақ бұл аспаптың да шығу тарихына үнілсек, ел аузында аңыз бар. Кейіпкерімізден бұрын әңгімемізді осыдан бастасaq...

3-БЕТТЕ





